



REPUBLIKA E KOSOVËS
REPUBLIKA KOSOVA
REPUBLIC OF KOSOVA



KOMUNA E LIPJANIT
OPŠTINA LIPLJAN
MUNICIPALITY OF LIPJAN

REPUBLIKA E KOSOVËS
KOMUNA E LIPJANIT
REPUBLIKA KOSOVO
OPŠTINA LIPLJAN

Pranuar me: Prilbjen:		
24. 01. 2024		
Njësia Jednica	Numri Broj	Shtojca Dodatak
01-052/01-5009		

Zyra e Kryetarit të Komunës

PROCESVERBALI NGA MBLEDHJA E DYTË PUBLIKE E THIRRUR NGA KRYETARI I KOMUNËS NË DHJETOR TË VITIT 2023

PROCESVERBALI NGAMBLEDHJA E DYTË PUBLIKE E THIRRUR NGA KRYETARI I KOMUNËS NË DHJETOR TË VITIT 2023

INFORMATË RRETH NJOFTIMIT

Hyrje

Në mbështetje të neneve 13, 58 dhe 68 par 68.4 të Ligjit për Vetëqeverisjen Lokale Nr.03/L-040, Gazeta Zyrtare e Republikës së Kosovës, nr.28 të datës 4 qershor 2008, neneve 40, 41 dhe 67 të Statutit të Komunës së Lipjanit 15Nr.110-78095 i datës 24.12.2021, Udhëzimi administrativ UA Nr.04/2023 për administratë të hapur në komuna, Rregullores mbi Transparencën në Komunën e Lipjanit Nr. 15-353-35739, e datës 30.06.2021 si dhe Planit të Veprimit për transparencë në komunë, Komuna e Lipjanit harton procesverbal nga mbledhja e dytë publike e thirrur nga kryetari i komunës për periudhën janar-dhjetor 2023 i cili është mbajtur me datën 26.12.2023, në sallën e Kuvendit Komunal, duke filluar nga ora 11:00. Në bazë të Ligjit për Vetëqeverisje Lokale, Komuna është e obliguar të mbaj dy tubime me publikun, njërin në gjashtëmujorit e parë të vitit fiskal dhe tjetrin në fundvit.

Ecuria e Procesit


Zyrtari përgjegjës për menaxhimin me Platformen e Konsultimeve Publike dhe Koordinimin e zbatimit të standarteve minimale të konsultimit publik në Komunën e Lipjanit ka bërë me kohë lajmërimin dhe ka publikuar njoftimin në ueb faqe të Komunës, në dy gjuhët zyrtare, dy javë para mbajtjes, sipas ligjit për Vetëqeverisje dhe rregullatives tjetër ligjore të cilat janë në fuqi.

<https://kk.rks-gov.net/lipjan/wp-content/uploads/sites/20/2023/12/66782.pdf>

Po ashtu njoftimi është vendosur edhe në hyrje të objektit të komunës si dhe në vendet e tjera më të frekuentuara nga ana e qytetarëve.

PROCESVERBALI NGAMBLEDHJA E DYTË PUBLIKE E THIRRUR NGA KRYETARI I
KOMUNËS NË DHJETOR TË VITIT 2023

TAKIMI ME QYTETARË



PROCESVERBALI NGAMBLEDHJA E DYTË PUBLIKE E THIRRUR NGA KRYETARI I
KOMUNËS NË DHJETOR TË VITIT 2023

TAKIMI ME QYTETARË



Në këtë tubim publik kanë marrë pjesë 83 pjesëmarrës, prej tyre 17 femra dhe 66 meshkuj.

PROCESVERBALI NGAMBLEDHJA E DYTË PUBLIKE E THIRRUR NGA KRYETARI I KOMUNËS NË DHJETOR TË VITIT 2023

TAKIMI ME QYTETARË

Takimi i cili është mbajtur **26.12.2023** duke filluar në ora **11:00** në sallën e Kuvendit Komunal ka karakterin informues për pjesëmarrësit, ku përfaqësuesit e komunës njoftojnë për aktivitetet komunale, për të arriturat dhe vështirësitë, për synimet dhe investimet kapitale gjatë periudhës për të cilën është thirrur takimi, ndërsa të pranishmit mund të bëjnë pyetje dhe të japin propozime përfaqësuesve të zgjedhur komunal lidhur me realizimin e projekteve të planifikuara si dhe për çështje të tjera që janë në interes të qytetarëve.

Për të folur rreth aktiviteteteve të Komunës, për planet dhe sfidat, fjala kryesore i takoi kryetarit të komunës, Imri Ahmeti.

Në prani të drejtorëve të Drejtorateve komunale, përfaqësuesve të Këshillave Lokal përfaqësuesve të shoqërisë civile dhe shumë qytetarëve tjerë, mbledhjen e hapi kryetari i Komunës, Imri Ahmeti.

Kryetari i Komunës së Lipjanit, z. Imri Ahmeti ka filluar mbledhjen publike me qytetarë, të cilët i ka njoftuar për punët e realizuara, sfidat dhe të arriturat e komunës përgjatë këtij vitit 2023. Ai është shprehur i kënaqur me realizimin e të hyrave vetanake gjatë këtij viti si dhe me investimet e realizuara gjatë kësaj periudhe, investime këto të cilat kanë ndikuar drejtpërdrejtë në përmirësimin e jetës së qytetarëve të Komunës së Lipjanit.

Po ashtu kryetari Imri Ahmeti e ka quajtur vitin 2023 si të suksesshëm, duke ja atribuar këtë sukses qytetarëve të Lipjanit.

Kryetari Imri Ahmeti para të pranishmëve tha se viti që po e lëmë pas rënditet si ndër vitet më të suksesshme, treguesit dhe indikatorët flasin për rezultate pozitive dhe ky sukses është i gjithë qytetarëve lipjanas, sepse ne kemi vetëm përgjegjësinë e menaxhimit dhe përkushtimi ynë është që ky menaxhim të jetë sa më efikas dhe më cilësor.

Kryetari Ahmeti gjatë takimit me qytetarë, tha se parashikuar në përgjithësi realizimin e buxhetit edhe pse kanë mbetur edhe pak ditë ne përsëri dalim si komunë e suksesshme sepse rreth 95% është në total realizimi i buxhetit e ajo që është ma e rëndësishme investimet kapitale ose projektet në teren kalojnë rreth 80%.

Ai po ashtu ka theksuar se edhe këtë vit e hyra vetanake në komunën tonë shënon progres të jashtëzakonshëm duke tejkaluar planifikimin buxhetor, ku deri në këtë pjesë të muajit dhjetor e hyra vetanake ka kaluar planifikimin”, ka thënë Kryetari Imri Ahmeti, duke shtuar se nga 2,337,990.00 është realizuar në 3,342,392.28 . Në raport me vitin 2022, shihet që në vitin 2023 progresi në realizimin e të hyrave është për 34.49% më shumë, pa i llogaritur donacionet” tha në mes tjerash Kryetari Ahmeti.

Kryetari Ahmeti duke vazhduar takimin me qytetarët lipjanas tha që viti që po lëmë pas Komuna e Lipjanit është renditur ndër komunat me performancë të mirë në vlerësimet dhe matjet e bëra nga organizata e institucione vendore e ndërkombëtare.

Vlenë të theksohet Granti i Performances nga projekti Demos dhe organizata e institucioneve tjera, vlerësimi nga organizata GAP për transparencë buxhetore ku Lipjani është renditur i pari, ose KDI dhe organizatat tjera për transparencë e llogaridhënie.

PROCESVERBALI NGAMBLEDHJA E DYTË PUBLIKE E THIRRUR NGA KRYETARI I KOMUNËS NË DHJETOR TË VITIT 2023

TAKIMI ME QYTETARË

Kryetari Imri Ahmeti, para qytetarëve lipjanas ka veçuar disa nga projektet madhore që shënojnë vitin 2023 si: Palestra Sportive, Çerdhet në Shalë dhe Rufc, Shkolla fillore në Ribar të Madh, ndaria e 172 bursave për student Salla sportive në Banullë e Gillogovc, ndarja e 10 banesave për familjet në nevoje, fillimi i punimeve në Parkingun Nëntokësorë dhe QKMF së bashku me Urgjencën e shumë projekte të tjera siq janë asfaltimi i mbi 32 km rrugë e rrugica, mbi 6 km trotuarë dhe rreth 8 km ndriçim public, renovimi i sallave të sporteve në Gillogovc në Bnallë, fusha e hapur sportive në Rubovc, salla e sportve në Lipjan dhe shumë projekte të tjera.

Kryetari Imri Ahmeti në fund të këtij takimi ka uruar të gjithë qytetarëve festat e fund vitit, si dhe i ka ftuar që të vazhdojnë të jenë bashkëpunues në zhvillimin e qytetit dhe vendbanimeve tona, sipas kryetarit Ahmeti, pa aktivizimin e gjithë qytetarëve dhe pa bashkëpunimin e koordinimin e frytshëm nuk mund të kemi suksese, duke thënë se unë këtu po e përmbylli prezantimin tim duke ju falenderuar juve për prezencën e juaj dhe për të ju dhënë juve mundësinë për të ngritur ju tema e çështje për të cilat keni interesim.

Kontributi juj është i jashtëzakonisht i duhur për lokalitetet dhe venbanimet që ju vini në mënyrë që t'i zgjedhim bashkarisht problemet e ndryshme kolektive.

Ndërsa qytetarët u inkuadruan për të bërë pyetje dhe për të kërkuar sqarime nga Kryetari Imri Ahmeti për shumë çështje.

Hysri Ibrahim, ka pyetur se a ka në komunën e Lipjanit zyre të punësimit dhe si duhet të punësohet një qytetar në Lipjan. Po ashtu kam edhe disa shetësime tjera e para ka të bëjë me qentë endacak dhe lypsaret.

Kryetari Imri Ahmeti, tha se zyra e punësimit është në Lipjan por është në kuadër të ministries, ndërsa për punësimin në administratë sistemi i pranimit të punëtorëve është online dhe ne nuk e menaxhojmë.

Behxhet Konxheli, falënderoi kryetarin për investimet të cilat po bëhen në Janjeve por ai tha se kam një vërejtje reth investimeve të cilat po bëhen duhet të kenë një mbikëqyrje me të madhe dhe të njoftohet edhe këshilli i fshatit për investimet të cilat behen nëpër lokalitete në mënyrë që të mbikqyren edhe nga këshillat e fshatrave.

Kryetari Imri Ahmeti, ka potencuar se zakonisht kryetarët e fshatrave kontaktohen kur fillonjnë projektet me qëllim të mbikqyrjes së punimeve, sigurisht që do të duhej që qdo gytetarë me e përcjell punën në teren pasi që projektet po bëhen për të mirën e tyre.

Muhaerrem Gashi qytetarë nga fshati Akllap ka falenderuar komunën dhe kryetarin për punët e mira të cilat po bëhen në fshatin tonë, por e kam një kërkesë të bëhet ndërtimi i një ure në fshat pasi që aty kalon një person i verbër edhe po është i rrezikshëm kalimi i lumit nga personi në fjalë dhe një ure do të ndihmonte shumë në qarkullimin e banorëve të fshatit.

Kryetari Imri Ahmeti ka thënë se në projeksionet buxhetore janë paraparë të ndërtohen disa ura në venbanimet e ndryshme aty ku ka nevojë më shumë edhe këtë kërkesë të juajen e shohim nëse nuk është e përfshirë në projeksionet buxhetore do ta fusim gjatë vitit.

**PROCESVERBALI NGAMBLEDHJA E DYTË PUBLIKE E THIRRUR NGA KRYETARI I
KOMUNËS NË DHJETOR TË VITIT 2023**

TAKIMI ME QYTETARË

Mehdi Shala, ka paraqitur një ankesë duke thënë se gjatë rregullimit të kanalizimit me është dëmtuar prona ime private dhe kërkoi nga ana juaj që të më bëhet një zgjidhje për pronën time pasi që me është dëmtuar shumë.

Kryetari Imri Ahmeti ka theksuar se të gjithë atyre që ju dëmtohen pronat apo edhe pronat publike gjatë punimeve të njoftoni komunën në mënyrë që të merret më shumë përgjegjësi nga kompanitë që i kryejnë punimet.

Xhyla Karpuzi, ka falënderuar kryetarin e komunes për projektet të cilat janë zhvilluar në fshatin Shalë e sidomos për ndërtimin e qerdhës ku e kanë mirëpritur shumë këtë projekt banorët e fshatit Shalë, ajo u shpreh mirënjohëse edhe për projektet e tjera të cilat po vazhdojnë.

Kryetari Imri Ahmeti tha se edhe gjatë viteve në vazhdim banorët e Shalës do të ju gëzohen edhe shumë projekteve të tjera që t'i realizojmë atje.

Skender Bikliqi, Ka falënderuar komunën dhe është shprehur mirënjohës ndaj kryetarit Ahmeti për renovimin e QMF-së, në Janjevë por edhe në realizimin e projekteve të tjera, por ka paraqitur edhe disa kërkesa tjera për ndriçim publik dhe trotuar nga fillim i fshatit -restorant Anija e deri në pjesën e brendshme të fshatit, por edhe një zgjidhje për transportin e udhëtarëve e që janjeva ka shumë nevojë.

Kryetari Imri Ahmeti, ka theksuar se gjatë muajit dhjetor ka nënshkruar marrëveshjen e bashkëpunimit me komunat e regjionit të Prishtinës, ku në kuadër të marrëveshje përfshihet edhe krijimin e një linje funksionale të transportit urban në relacionin Prishtinë-Lipjan-Janjevë e që pritet shumë shpejtë të funksionalizohet, ai gjithashtu tha se në vazhdim të angazhimeve tona do të mundohemi t'i realizojmë tjera për banorët e Janjeves.

Mustafa Rexhepi, Gadime e Epërme, ka pyetur se a do të rregullohet pagesa e për kryetarët e këshillave të fshatrave.

Kryetari Imri Ahmeti, tha se me fillim të vitit 2024 do të ndërmarrim veprime të caktuara do e paraqesim kërkesën përmes Kuvendit për pgaesën e angazhimit të kryetarëve të këshillave lokal.

Alush Bikliqi, ka paraqitur si kërkesë transportin publik në Janjevë.

Kryetari Imri Ahmeti ka njoftuar edhe këtë se ka nënshkruar marrëveshjen e bashkëpunimit me komunat e regjionit të Prishtinës, ku në kuadër të marrëveshje përfshihet edhe krijimin e një linje funksionale të transportit urban në relacionin Prishtinë-Lipjan-Janjevë

Hamdi Rrustemi, ka shprehur shqetësimin e tij se rruga Skenderbeu nuk mirëmbahet si duhet dhe ka pyetur për punët lidhur për rrugë të parkingu i komunes kur pritët të rregullohet.

**PROCESVERBALI NGAMBLEDHJA E DYTË PUBLIKE E THIRRUR NGA KRYETARI I
KOMUNËS NË DHJETOR TË VITIT 2023**

TAKIMI ME QYTETARË

Imri Ahmeti, kryetar i komunes tha se aty ku nuk shkojnë punët si duhet ne i shkëpusim kontratat dhe nuk lejojmë që punët të kryhen shkel e shko. Pastrimi rruges Skenderbeu nuk është bërë për shkak se nuk po ka mundësi ta mirëmbaj kompania pasi që ka shumë vetura të parkuara aty dhe po paraqitet pengesë.

Ne do të vazhdojmë edhe me tutje me punët e mira për të mirën e qytetarëve të komunës tonë ku kemi disa projekte të mëdha si Parku se bashku me parkingun nëntokësor, ndërtimi i qendres se urgences, ndërtimi i shtëpise se kulturës dhe shume projekte tjera.

Pasi çështje të tjera nuk kishte mbledhja perfundoi ne ora 12:15

Bukurie Zejnullahu -Jashari

Udhëheqëse e Sektorit për Komunikim me Publikun dhe përgjegjëse për konsultime publike

Lipjan, 22.01.2024